

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
Služba za urbanizam**

Broj: 03-19-24092/25
Zenica, 03.12.2025. godine

Na osnovu člana 136. stav (6) Zakona o prostornom uređenju i građenju ("Službene novine Zeničko-dobojskog kantona", broj: 17/23), Služba za urbanizam Grada Zenica, objavljuje

**JAVNI POZIV
zainteresovanim stručnim fizičkim licima za obavljanje poslova
tehničkog pregleda građevine na području Grada Zenica
za period 2026.- 2027. godine**

I

Pozivaju se zainteresovana stručna fizička lica da podnesu prijave za učešće u radu Komisije za vršenje tehničkog pregleda građevina na području Grada Zenica za period 2026.- 2027. godine, a u skladu sa odredbama Zakona o prostornom uređenju i građenju ("Službene novine Zeničko-dobojskog kantona", broj: 17/23) i to sljedećih struka:

- arhitektonske,
- građevinske,
- elektrotehničke,
- mašinske,
- geodetske,
- saobraćajne,
- zaštite od požara i zaštite na radu.

II

Na javni poziv za učešće u radu komisije za tehnički pregled građevina mogu se prijaviti stručna lica koja ispunjavaju uslove iz člana 136. stav (4) pomenutog Zakona, odnosno diplomirani inženjeri koji imaju VSS, VII stepen stručne spreme odnosno osobe visokog obrazovanja najmanje 240 ECTS bodova prvog ciklusa Bolonjskog sistema studiranja iz struka navedenih u tački I Javnog poziva, sa pet godina radnog iskustva u struci i položenim stručnim ispitom.

III

Prijava na javni poziv treba da sadrži: ime i prezime podnosioca prijave sa tačnom adresom stanovanja, brojem telefona i e-mail adresom.

Uz prijavu je potrebno priložiti sljedeće dokumente u originalu ili ovjerenoj kopiji:

- kratku biografiju, uz obaveznu naznaku uže oblasti za koju se stručno lice prijavljuje,
- diploma VSS (VII stepen stručne spreme odnosno visoko obrazovanja najmanje 240 ECTS bodova prvog ciklusa Bolonjskog sistema),
- dokaz o položenom stručnom ispitu,
- dokaz o radnom iskustvu iz tačke II Javnog poziva (nakon sticanja VSS),

- ovjerenu izjavu o pristanku korištenja i obrade ličnih podataka u svrhu ovog javnog poziva, kao i tokom učešća u radu Komisije.

Doktori i magistri nauka iz oblasti za koju se prijavljuju uz prijavu prilažu rješenje o oslobađanju obaveze polaganja stručnog ispita umjesto uvjerenja o položenom stručnom ispitu.

IV

Stručna lica koja se nalaze na listi kvalifikovanih stručnih lica za obavljanje poslova tehničkog pregleda građevina na području grada Zenica za period 2024.- 2025. godina, dostavljaju samo prijavu sa kratkom biografijom, uz obaveznu naznaku uže oblasti za koju se prijavljuje, te ovjerenu izjavu o pristanku korištenja i obrade ličnih podataka u svrhu ovog javnog poziva, kao i tokom učešća u radu Komisije.

V

Prijave sa dokazima o ispunjavanju uslova iz tačke III i IV za učešće u radu Komisije za vršenje tehničkog pregleda građevina na području Grada Zenica za period 2026.- 2027. godine, podnose se u roku od 15 dana od dana objavljivanja Javnog poziva u dnevnom listu „Avaz“ i na web stranici Grada Zenica www.zenica.ba.

Prijave sa naprijed navedenim dokazima podnose se neposredno putem protokola Gradske uprave Zenica ili putem preporučene poštanske pošiljke u zatvorenoj koverti na adresu:

**Grad Zenica
Služba za urbanizam
Trg BiH broj 6
72000 Zenica**

**sa naznakom „Prijava za učešće u radu Komisije za vršenje tehničkog pregleda građevina na području Grada Zenica“
– ne otvaraj-**

Nepotpune i neblagovremene prijave neće se razmatrati.

